



UNIVERSITÄTS-
BIBLIOTHEK
PADERBORN

Universitätsbibliothek Paderborn

Bibliotheca Scriptorvm Sacri Ordinis Cisterciensis Elogiis Plvrimorvm Maxime Illvstrivm Adornata

Visch, Charles de

Coloniæ Agrippinæ, 1656

Epistola Reverendissimi Domini Clavdii Breffavltii, Abbatis Morimundensis,
S. Theol. Professoris, &c.

urn:nbn:de:hbz:466:1-38433

EPISTOLA

commoda vigilibus curis, & æternis laboribus accederent. Hen nos miseros! nulla nisi quæ comparauimus, aut pauca laceris potius centonibus dispersa, quam libris collecta, ægrè reperire est. Omnia enim ferè, quæ aliàs extiterunt monumenta grauissimorum Ecclesiæ Patrum, & nostri ordinis, temporis iniuria ablata, communique Pontigniaci nostri, sibi & suis toties erepti direptione, perierunt. Ne tamen votis & optimis Reuerentiæ vestræ studijs defuisse videamur, adest præsens librorum scheda, & tam præsentium quam eorum qui fortè desiderantur, summo labore conquisita series, quam hisce iunctam, vt nostri in te animi, zelique ardentissimi vadem (licet imparè) mittendam esse censuimus. Et nisi Reuerentiam vestram iacturæ temporis impatientem, otij & longioris moræ tæderet, maiora forsitan ex alijs iuris nostri monasterijs accepta documenta succederent. Fieri enim vix potuit, quin aliquis euidam eorum locupletissimus auctor extiterit. De Guichardo autem sic existimes, licet illum virum insignem, de litteris & ordine nostro optimè meritum facilè crediderimus, nos nihil certi, aut scripti reperisse. Nec & Claudio Boucherat Antepredecessori nostro, quamuis in nostrâ S. Theologiæ facultate Parisiensi Doctori, quidquam operum superfuit. Quod si memoriæ quidpiam commendasset (vtpotè huiusce fermè temporis) nihil nos diligentius iuquirentes, sefellisset. De cætero, vt tanto operi laborique summam manum, & cum felici sine debitam coronam imponas, enixè rogatus nostris & omnium precibus, vtilitatisque concedes. Illius interim fauoris & officij esto securus, qui tuæ Paternitatis haberi cupit.

Studiofissimus & amantissimus F. MATHÆVS,
Abbas Pontigniacensis.

In nostro Bernarditarum collegio Lutetiæ
Parisiorum 2. Februarij 1648.

EPISTOLA

Reuerendissimi Domini CLAVDII BREFFAVLTII,
Abbatis Morimundensis, S. Theol. Professoris, &c.

INSCRIPTIO.

Reverendo in Christo Patri, Domino CAROLO DE VISCH, celeberrimè
de Dunis monasterij Religioso & Priori.

REVERENDE Pater,
Eodem fermè tempore binas à te accepi litteras, priores quidem 4. Augusti, posteriores verò 7. Decembris præcedentis anni, in Valle Cæli datas; vnde tabellariorum illarum non minus carpenda negligentia, quam harum laudanda diligentia. Verum quidquid sit ex ipsarum vel promotione, vel festinatione, veteri prouerbio inhzentes, dicenti *Sat citò si sat bene*, mihi certè eo incundiores gratioresque fuerunt, quo ipsarum tenore moneor, te ab aliquot iam mensibus, quâ potes diligentia, ad publicanda Scriptorum ordinis nostri nomina, adlaborare, ipsorumque scripta, quæ temporum iniuriâ, in Bibliothecis nostris quasi conssepulta iacuerant, ab obliuione vindicare. Quod opus, laboremque tuum, satis laudare vix possum. Plurimi licet

ordinis

EPISTOLA

ordinis nostri scriptores speciali humilitatis virtute præditi, præcorum Patrum consilio edocti, dicentium, monachi vocem plangentis esse, non docentis propria nomina consulto reticuerint; votis tamen tuis annuens, quorundam Authorum, simul & anonymorum manuscriptorum ordinis nostri feriem, quorum opera adhuc in Bibliothecâ nostrâ Morimundensi asseruantur, transmittimus.

Illud igitur agas, amabo, quod te vixisse testetur, ad maiorem Dei gloriam, & ordinis nostri decus, meique in tuis sacrificiis sis memor, qui sum,

REVERENDE PATER,

Morimundi, 18.
Ianuarij. 1648.

Tuus in Christo Confrater, &
Servitor, F. CLAUDIUS,
Abbas Morimundensis.

EPISTOLA

Reverendissimi & Eximij Domini, IOANNIS BLANCKENBERG,
Abbatis Veteris montis, S. Theol. Doctoris, & Cisterciensis ordinis per Westphalam, & tractum Rheni, Vicarij generalis.

INSCRIPTIO.

Reuerendo & doctissimo Domino, D. CAROLO DE VISCH, S. Theol. Baccalauero, Dunensis
Monasterii Religioso & Priori, Domino suo Confratri.

REVERENDE & doctissime Domine,
Gauisus tui supra modum, lectis gratissimis vestris litteris, tum quod ex ijs cognoscam bonam valetudinem Reuerentiæ Vestræ (cui gratias dico, quod antiquum suum erga nos affectum tam fideliter continet: tum etiam, quod turbulentis hæc temporibus, Altissimus operarios semper excitet, qui sollicitè laborent in vineâ Cisterciensi, eamque doctissimis suis scriptis illustrent.

Laudo & commendo zelum Dominationis Vestræ, cuius fœtum avidissimè desiderabo impressum. Quoad Scriptores ordinis nostri Germanos, quos Reuerentia Vestra requirit, paucos reperire potui; nonnullos tamen mitto, quos ex monumentis nostris collegi, credo quod saltem aliquos illorum non habeatis. Litteras vestras quas transmisistis pro Abbatibus, de Veteri Campo, Hemmenrode, Heisterbach, & alijs, vti etiam pro Eximio Domino Caramuele, destinavi; si quid respondeant, habeo curam vt vobis dirigatur. Insuper, quantumuis proprijs ac meorum officijs interpellatus, semper tamen promptissimè ad manum ero R. Dominationi Vestræ.

Festina manu dabit in Veteri monte, 27. Novembris, anni 1647.

Reuerentia Vestra officiosissimus, Fr. IOANNES Abbas Veteris
montis Vicarius, manu propria.

Litteras R. mi Domini Ferdinandi Vghelli Abbatis SS. Vincentij & Anastasij iuxta Romam, viri, scriptis suis toto orbe clarissimi, recepi plures, quæ passim citantur in Bibliothecâ, eum de Italiæ Scriptoribus ago, quos magno numero mihi transmisit.

EPI-